

Coetiroedd gwell i Gymru

Newyddion gan Grantiau a Rheoliadau Comisiwn Coedwigaeth Cymru • Rhifyn 6 • Hydref 2010

Cynnwys

Dod â Choetiroedd Gwell i Gymru i ben

Beth sydd nesaf?

Datblygu rheoli coetir Glastir

Grant yn datgelu trysorau cudd

Diweddariad ar Phytophthora ramorum

Plannu ac Ailstocio

Lansio'r cod carbon

Llawlyfr coetiroedd brodorol

Cod Carbon Coetiroedd

Dod â Choetiroedd Gwell i Gymru i ben



Byddwch yn ymwybodol bod Comisiwn Coedwigaeth Cymru wedi cynnal adolygiad o sut y dylid rheoli grantiau coetir er mwyn sicrhau eu bod yn cyflawni strategaeth Coetiroedd i Gymru Llywodraeth Cynulliad Cymru.

Mae'r Gweinidog dros Faterion Gwledig wedi cyhoeddi y bydd Coetiroedd Gwell i Gymru, sef y cynllun grantiau coetiroedd a gyflwynir gan Gomisiwn Coedwigaeth Cymru'n dod i ben ar gyfer ymgeiswyr newydd ar 17 Tachwedd 2010. Caiff grantiau coetir eu hintegreiddio yn Glastir; sef y Cynllun Rheoli Tir Cynaliadwy newydd i Gymru a reolir gan yr Adran Materion Gwledig. Os hoffech ddarllen mwy am y pwnc hwn ewch i'n gwefan sef:

<http://www.forestry.gov.uk/forestry/infid-5z8jcr>

Beth nesaf?

Caiff grantiau creu coetiroedd Glastir eu lansio yr hydref hwn a bydd Comisiwn Coedwigaeth Cymru'n parhau i'w darparu tan 1 Ionawr 2013, drwy Glastir, ar ran Llywodraeth Cynulliad

Cymru. Byddwn yn cyhoeddi manylion am y cynllun newydd ar ein gwefan:

<http://www.forestry.gov.uk/forestry/infid-5z8jcr>

Datblygu prosesau rheoli Glastir

Mae staff Grantiau a Rheoliadau, Kevin Taylor a Patrick Green yn gweithio gyda Llywodraeth Cynulliad Cymru i ddatblygu dyluniad y cynllun a'r dull o reoli coetiroedd drwy Glastir. Bydd y dewisiadau rheoli coetiroedd yn ceisio cyflwyno'r canlyniadau yn Coetiroedd i Gymru, sef strategaeth goetir LICC y gellir ei hariannu drwy Axis 2 y Cynllun Datblygu Gwledig. Bydd cryn bwyslais ar reoli Planhigfeydd ar Safleoedd Coetir Hynafol, trosi i Systemau Coedwriaeth Effaith Isel a dod â mwy o lawer o goetiroedd fferm o dan reolaeth gadarnhaol. Mae dewisiadau ar gyfer ailgyflenwi, defnyddio cymysgeddau o rywogaethau amrywiol yn cael eu hystyried hefyd.


<http://www.forestry.gov.uk/forestry/infid-5z8jcr>

Rhifyn nesaf Ionawr 2011

Mae'r rhifynnau presennol ac ôl-rifynnau ar gael ar wefan Comisiwn Coedwigaeth Cymru: www.forestry.gov.uk/wales



Grant yn helpu i ddatgelu trysorau cudd gardd



“Gan mai 2010 yw Blwyddyn Ryngwladol Bioamrywiaeth, cael gwared ar rywogaethau sy'n ecolegol amhriodol ac annog arferion rheoli er mwyn annog amrywiaethau o rywogaethau yw'r cyfraniadau gorau y gall unrhyw un ei wneud.”

Mae Gardd Fotaneg Treborth, ger Bangor yn dathlu ei 50fed pen-blwydd yn 2010. Nawr, diolch i'r flwyddyn arbennig hon, mae rhai o drysorau cudd yr ardd wedi'u datgelu diolch i grant gan Gomisiwn Coedwigaeth Cymru.

Mae Prifysgol Bangor yn berchen ar yr ardd, sydd wedi'i lleoli ar safle dymunol sy'n edrych dros y Fenai, a phrynodd y Brifysgol y 40 erw o goetir a phorfa ym 1960. Oherwydd amrywiaeth o fathau o bridd a chynefinoedd sy'n cefnogi planhigion brodorol ac anifeiliaid, mae'n cynnig adnoddau gwerthfawr ac mae myfyrwyr o'r brifysgol a grwpiau ysgolion yn gwneud cryn ddefnydd ohoni.

Mae Comisiwn Coedwigaeth Cymru, ynghyd â Chyngor Cefn Gwlad Cymru, wedi helpu i ariannu'r gost o adfer coetiroedd hynafol yr ardd. Mae'r gwaith adfer wedi cynnwys cael gwared ar rywogaethau o brysgwydd a gyflwynwyd megis rhododendron a llawrgeirios er mwyn caniatáu i blanhigion brodorol, sy'n rhan bwysig o goetir hynafol fel yr un yn Nhreborth, ail-gytrefu'r ardal.

Ar ôl cael gwared ar y prysgwydd hyn nad ydynt yn frodorol, gellir gweld llwybrau troed cywrain a rhodfa leim unwaith eto, diolch i waith clirio o amgylch y rhaeadr yn ardal ddwyreiniol y coetir, mae golygfeydd ysblennydd ar draws y Fenai i'w gweld bellach.

Cafodd yr ardal ei thirlunio am y tro cyntaf yn yr 1850au gan Joseph Paxton, dylunydd Crystal Palace ar gyfer yr Arddangosfa Fawr ym 1851. Fodd bynnag gadawyd y safle ar ddechrau'r 1850au gyda'r tîr hamdden a'r gwesty ond yn cael eu gorffen yn rhannol a'r tîr yn cael ei droi'n borfa a choetir unwaith eto.

Dros y blynyddoedd, mae gordyfiant mawr ar y tiroedd hamdden a'r coetiroedd drwy'r prysgrwydd arddurnol nad ydynt yn frodorol a blannwyd gan y Fictoriaid ac roedd gweddillion dyluniad Paxton wedi mynd ar gyfeillion tra roedd y golygfeydd ysblennydd dros y Fenai wedi diflannu.

Dywedodd Curad Gardd Fotaneg Treborth, “Hoffwn ddiolch i Gomisiwn Coedwigaeth Cymru a Chyngor Cefn Gwlad Cymru am

helpu i wella'r coetiroedd yn Nhreborth mewn ffordd mor arwyddocaol.

“Gan mai 2010 yw Blwyddyn Ryngwladol Bioamrywiaeth, cael gwared ar rywogaethau sy'n ecolegol amhriodol ac annog arferion rheoli er mwyn annog amrywiaethau o rywogaethau yw'r cyfraniadau gorau y gall unrhyw un ei wneud.”

Mae'r coetiroedd hanesyddol ar agor bob dydd i'r cyhoedd, am ddim. Mae teithiau tywysedig ar gael ar ddiwrnodau agored a chaiff digwyddiadau arbennig eu trefnu gan Gyfeillion Gardd Fotaneg Treborth sydd â rôl allweddol i'w chwarae o ran rheoli'r safle 40 erw. Am ragor o wybodaeth, ewch i www.treborthbotanicgardens.org.



Phytophthora ramorum: cymorth i berchenogion

Darganfuwyd achos o'r haint Phytophthora ramorum (P. ramorum) am y tro cyntaf yng Nghymru ar goed mewn coetiroedd â pherchenogion preifat.

Mae staff o Gomisiwn Coedwigaeth Cymru a Fera (Yr Asiantaeth Ymchwil Bwyd a'r Amgylchedd) wedi ymweld â choetiroedd y perchenogion yn Sir Ddinbych ac yng Nghastell-nedd Port Talbot ac mae hysbysiad wedi'i roi i gwmpo'r coed llarwydd Siapaneaidd heintiedig. Mewn un achos, dim ond nifer fach o goed sydd wedi'u heintio, a bydd y perchennog yn defnyddio'r pren ar y safle. Yn y llall, roedd y perchennog eisoes wedi ymuno â chynllun Coetiroedd Gwell i Gymru ar gyfer cwmpo.

Mae P. ramorum yn bathogen sy'n debyg i ffwng sy'n lladd llawer o'r coed llydanddail y mae'n effeithio arnynt a hyd yma yr holl larwydd mae wedi'u heintio.

Dywedodd Richard Siddons, Pennaeth Grantiau a Rheoliadau Comisiwn Coedwigaeth Cymru, sy'n rheoli'r coetiroedd cyhoeddus ar ran Llywodraeth Cynulliad Cymru, "Mae Comisiwn Coedwigaeth Cymru'n benderfynol o leihau effeithiau'r clefyd coed difrifol hwn ar goetiroedd, a bydd cymorth perchennogion coetiroedd o ran edrych am arwyddion

cynnar haint P. ramorum â rôl allweddol i'w chwarae i gyflawni hynny."

Mae Comisiwn Coedwigaeth Cymru wedi datblygu rhaglen gymorth ar gyfer perchennogion coetir preifat sydd ag achosion o larwydd Siapaneaidd heintiedig ar eu tir.

Bydd arian yn talu i glirio llarwydd Siapaneaidd anaeddfed heintiedig ar dir cyhoeddus a phreifat. Hefyd fe gyflenwir y gost am yr oll wasanaethau cymorth a ddarperir gan asiant ar gyfer perchennogion coetir preifat.

Caiff yr arian hwn ei gyfyngu i gyllideb a chyfnod amhenodol a chaiff ei ddarparu fel mesur byr dymor a brys yn unig.

Mae rhagor o wybodaeth am P. ramorum ar gael ar wefan y Comisiwn Coedwigaeth <http://www.forestry.gov.uk/forestry/INFID-85TDX6>

Os ydych yn amau achos o haint P. ramorum yn eich coetir, cysylltwch â Swyddfa Grantiau a Rheoliadau Comisiwn Coedwigaeth Cymru ar **0300 068 0300** neu anfonwch neges e-bost at: bww.ts@forestry.gsi.gov.uk.



Plannu ac ailstocio gyda rhywogaethau llarwydd

Os oes gennych gynllun Coetiroedd i Gymru gymeradwy, byddem yn eich annog yn gryf i newid rhywogaeth lle y bwriedir plannu rhywogaethau llarwydd. Er mwyn rhoi'r cyfle i'r ddau reolwr coedwigaeth a phlanhigfeydd gael y cyfle i addasu i'r newid hwn. Bydd Comisiwn Coedwigaeth Cymru'n parhau i ariannu plannu llarwydd mewn contractau cymeradwy hyd at ac yn cynnwys tymor plannu 12/13. Fodd bynnag, mae'n rhaid i dddeiliaid contractau gymryd y risg os bydd y cnwd yn methu oherwydd Phytophthora. Bydd Comisiwn Coedwigaeth Cymru'n adhawlio'r grant os ni fydd y coed sydd wedi methu yn cael eu hailosod. Ar ôl 12/13, ni fydd Comisiwn Coedwigaeth Cymru'n ariannu plannu llarwydd.

Mae cyngor ar ddewis rhywogaethau ar gael o

<http://www.forestry.gov.uk/website/forestry.nsf/byunique/infid-868egu>

O hyn ymlaen, ni fydd Comisiwn Coedwigaeth Cymru'n cymeradwyo nac yn ariannu plannu unrhyw llarwydd yng nghynlluniau cymeradwy Coetiroedd Gwell i Gymru na chytundebau Creu Coetiroedd Glastir unwaith y caiff y cynllun ei eu lansio.



Rheoli Coetiroedd Llydanddail Brodorol – cyhoeddiad newydd

Mae gwyddonwyr Ymchwil Coedwig, Ralph Harmer, Gary Kerr a Richard Thompson newydd gyhoeddi'r llawlyfr newydd hwn sy'n cynnig cyngor a fydd yn helpu perchenogion i ddeall eu coetir a gwella'r ffordd y cânt eu rheoli. Mae hyn yn cynnwys ystod eang o bynciau, o nodi cymunedau coetir a rheoli cadwraeth natur i goedwriaeth o oed anwastad a rheoli llystyfiant. Mae'r llyfr hwn wedi'i gyhoeddi gan y Llyfrfa. I gael rhagor o wybodaeth neu i archebu copi, ewch i www.tsoshop.co.uk



Lansio cod carbon arfer da

Mae potensial coetiroedd i amsugno CO₂ o'r atmosffer gan ddarparu ystod eang o fuddion eraill i'r gymdeithas a bioamrywiaeth yn cael ei gydnabod fwyfwy. Mae llawer o unigolion a busnesau am gyfrannu at blannu coed er mwyn atafaelu allyriadau carbon. Ond cyn buddsoddi mewn prosiectau o'r fath, mae pobl am dystiolaeth bydd y cynlluniau plannu coed yn cyflwyno arbedion carbon.

Bydd y Cod Carbon Coetiroedd yn rhoi'r sicrwydd hwnnw. Bydd y cod yma'n annog ymagwedd gyson tuag at brosiectau carbon coetiroedd, ac yn cynnig eglurdeb a thryloywder i gwsmeriaid am yr arbedion carbon y gallai eu cyfraniadau eu cyflawni'n realistig. Er mwyn darllen mwy am hyn, ewch i:

www.forestry.gov.uk/carboncode

Trefn Gwyno

Mae'r holl gynllunwyr rheolaeth ac aseswyr arbenigol wedi arwyddo Cod Ymarfer. Os ydych chi'n anhapus gyda pherfformiad cynlluniwr neu arbenigwr dylech ddilyn y drefn gwyno sydd ar wefan Comisiwn Coedwigaeth Cymru, dan Gwynion ac Apeliadau CGG.

Bydd cwynion a wneir yn erbyn cynlluniwr neu arbenigwr yn cael eu bwydo i'r broses 'Cynnal Safonau' a chymerir camau gan ddefnyddio'r cyfarwyddyd a amlinelli'r yn y broses.

Manylion cysylltu

Ymholiadau cyffredinol, ffoniwch:
neu ewch i:

Ymholiadau technegol, anfonwch e-bost:

Gwasanaeth Grantiau a Thrwyddedau Ar-lein (GLOS):

Awgrymiadau ar gyfer rhifynnau yn y dyfodol:

0300 068 0300

www.forestry.gov.uk/wales

bww.ts@forestry.gsi.gov.uk

www.eforestry.gov.uk

alison.evans@forestry.gsi.gov.uk



Comisiwn Coedwigaeth Cymru
Forestry Commission Wales



Argraffwyd y ddogfen hon ar Revive 50:50 Offset, papur wedi'i ailgylchu a gynhyrchir drwy ddefnyddio 50% o wastraff adferedig a 50% ffibr pren gwyrff. FSC SGS-COC-0912



Mae coetiroedd y Comisiwn Coedwigaeth wedi cael eu hardystio yn unol â rheolau Cyngor Stiwardiaeth Coedwigoedd SGS-FM/COC-000358. © 1996 Cyngor Stiwardiaeth Coedwigoedd AC